

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XXIII. TIT. V. De Fundo Dotali.

urn:nbn:de:gbv:45:1-9050

nendi appareat, idque vel verbis: do, lego &c. vel ex circumstantiis, quando scilicet disponit: daß die Braut nach seinem Tod dieses oder jenes haben solle; Item, quando voces: Erbschaft, vel Erben, adhibentur, *Stryk. C. C. S. 3. c. 8. §. 2. seq. Du. Berg. resol. h. t.*

Priori casu sufficiunt duo testes, L. 32. l. 42. §. fin. ff. de Mort. caus. don. posteriori quinque requiruntur, L. f. §. f. de Jur. dot. L. f. de Mort. caus. don. Laut. h. p. 449.

Illo casu non tolluntur, nisi dissensu utriusque partis: L. 5. C. de O. & A. Hoc casu unus quoque recedere ab illa dispositione potest; quia ultima voluntas ambulatoria est usque ad mortem, arg. L. 4. de Adim. leg. L. 19. C. de Pact. Laut. in fin. h. ibique Carpz. Addatur Berlich. p. 2. c. 51. n. 25. seq.

Illo casu statim dies cedit, etsi suspensa sit exactio post mortem; hoc effectum non habet, nisi a die mortis. Hinc si præmoriatur altera pars, illo casu transmittit jus ad hæredes, non hoc.

Illo casu actione ex contractu agitur; hoc actionibus ex testamento.

LIB. XXIII. TIT. V.

DE FUNDO DOTALI.

Qv. I. *An maritus alienare possit res dotales mobiles, si servando servari possunt?*

AFFIRMATUR; (1) quia maritus est dominus civilis, cujus effectus *Laut. p. 450. verb.* est, quod alienare possit, *L. 3. C. de Jur. dot. L. 21. ff. de Manum.* (2) quia ex Lege Julia tantum alienari prohibetur fundus dotalis, *tot. non etiam tit. ff. & C. de Fund. dot.* quæ exceptio firmat regulam in casibus non *prohibetur &c.* exceptis.

OBST. L. 22. C. de Adm. & peric. tut. ubi tutor nihil alienari potest, nisi quod servando servari non potest.

RESP. Aliud est in tutore, aliud in marito; hic enim tanquam dominus civilis plus juris habet, ac ille, qui nudus est administrator: proinde ille nihil potest alienare, nisi ex necessitate; hic vero pro luctu, solo fundo dotali excepto, res uxoris alienat.

OBJ. L. un. §. 15. ibi: pro omnibus, adeoque & mobilibus.

RESP. Pro omnibus prædiis, non tantum Italicis, de quo quæritur; idemque respondetur ad *Nov. 6. c. 3.*

X 2

Aliud



Aliud autem est in obligatione rerum mobilium; talis enim obligatio per *Auth. Si qua mulier. C. ad Sct. Vellej.* nulla redditur. Vid. *L. 16. tit. 1. q. 2.*

Qv. II. *An Lege Julia maritus fundum, pecunia dotali entum, alienare prohibeatur?*

Laut. pag. 451. verb. nec rerum. **N**EGATUR: nam, si aestimata dos est, dominium in perpetuum transit in maritum, & uxor solam actionem ex emto habet, *L. 10. C. de Jur. dot.* si pecunia in dotem data sit, & ea fundus comparetur, res hæc quaeritur soli marito, non uxori, *L. 12. C. eod.* & uxori actio dotis competit, *ibid.* Atque id in genere in *L. f. C. de Pign. Serv.* traditur: *Si post datam dotem de pecunia dotis maritus quaedam comparavit, iusta ratione dominia eorum ad eum pervenerunt, indeque jure ab eo potuerunt manumitti.* Accedit quoque ratio: nam surrogatum sapit naturam ejus, cui surrogatur: uti igitur pecunia dotalis pro lubitu alienari potuit, ita & fundus, ea pecunia entus.

OBJ. Quod res, pecunia dotali comparata, fiat dotalis. *L. 54. ff. de Jur. dot. L. 26. eod. L. 22. §. f. Sol. matr. L. 71. de leg. 2.*

RESP. Fit dotalis, & eandem consequitur naturam, quam pecunia, cui surrogatur, habuit, uti ergo hæc pro lubitu alienari potuit, ita & fundus surrogatus. Atque hinc recte dicitur, fundum hunc non quaeri uxori, *L. 12. C. de Jur. dot.* & solam actionem dotis ei competere, *d. l.* Fit igitur dotalis, sed non uxoris.

Varias Conciliationes vide apud *Goth. ad d. L. 54. Et Dn. Berger. Resol. h. t.*

Qv. III. *An convalescat alienatio fundi dotalis, si maritus postea in perpetuum consequatur dominium?*

Laut. pag. 451. verb. convalescit tamen. **A**FFIRM. *L. 42. de Ufuc. L. 17. de Fund. dot.* **OBJ.** Quod ab initio nullum est, nunquam convalescere potest.

RESP. Vera est regula, quando vitium ab initio perpetuum fuit, & postea novus casus accidit, uti quando res legatur, quæ in commercio non est; tunc enim non convalescit legatum, licet postea in commercio esse incipiat: Secus in alienatione fundi dotalis: nam hæc quasi in suspensio, & in ea causa est, ut confirmari possit, scil. in casum, quo maritus fieret plenus dominus; hæc enim ab initio est con-

con-



conditio dotis, ut aliquando casu ad maritum pervenire posset. Quoties igitur is status ab initio est, ut aliquo casu convalescere possit, valet.

RESP. 2. Non prohibetur alienatio, nisi ideo, quia uxori competit actio; aut, quia competitura est, L. 3. §. 1. L. 15. h. t. quæ, præ mortua ea, cessat.

Qv. IV. *An convalescat alienatio fundi dotalis, si iteratis vicibus uxor consentiat?*

NEGATUR. L. un. §. 15. C. de Rei ux. act.

OBJ. L. 22. C. de SCt. Vellej. ubi intercessio uxoris, iteratis vicibus facta, valet.

RESP. In SCto Vellejano ratio prohibendi sola est imprudentia, quæ cessat, si iteratis vicibus consentiat; hic vero ratio prohibitionis consistit in metu maritali, qui manet, etsi uxor centies consentiat.

OBJ. Nov. 61. c. 1. ubi alienatio rerum immobilium propter nuptias donatarum, consensu post biennium reiterato, convalescit.

RESP. Loquitur de donatione propter nuptias, non de dote, cujus favor in Jure major est, quam donationis propter nuptias.

LIB. XXIV. TIT. I.

DE DONATIONIBUS INTER VIRUM ET UXOREM.

Qv. I. *An donatio inter conjuges confirmetur morte donantis?*

AFFIRMATUR, c. f. X. h. quia tum ratio prohibitionis cessat, utpote cum amplius conjuges non sint: modo naturali morte conjugium solvatur, L. 32. §. 6. h. Secus ergo, si (1) Civili morte maritus pereat, uti si servus fit, L. 32. §. 6. h. vel si (2) ob conscientiam sceleris mortem sibi consciverit, aut ex tali delicto obierit, ut memoria ejus damnetur, d. L. 32. §. 7. h.

OBJ. L. 13. §. 1. h. ubi deportato marito tamen confirmatur donatio, nisi revocaverit eam ante mortem.

RESP. Ibi non agitur de donatione inter conjuges pura, sed de donatione mortis causa, quæ ex æquitate ita explicatur, ne res fisco cum bonis deportati, sed conjugii cedat, nec de causis extra fisco,

X 3

cujus

Laut. pag.

451. verb.

non etiam

si Esc.

Laut. pag.

452. verb.

morte do-

nantis.

